



Jen Büreejtōn  
Dieter F. Uchtdorf

Rikakpilöklök eo Kein Karuo ilo  
Büreejtōnji eo Kein Kajuon

# Tōre eo Em̄mantata n̄an Katōk juon Wōjke

I lo Rom jem̄aan, Janus eaar anij eo m̄oktata. Ekkā an kwaļok ruo māj ko—juon ej erelikļok n̄an jem̄aan, eo juon ej erem̄aanļok n̄an ilju im jeklaaj. Kajin ko jet rej ņaetan allōn in Jānwōde ālkin e kōnke jino in iio eo eaar juon iien n̄an em̄emļokjeņ n̄an kobaiki ilo pepe.

Taujin iio ko tokālik, elōn m̄anit ko ipeļaaikin laļ in raar etal wōt ilo juon m̄anit n̄an karōki kōttōpar ko n̄an em̄manļok eo an juon make. Aaet, epidodo kōm̄mani kōttōpar ko—kōjparoki ej juon men eoktak jen doon.

Juon em̄maan eo ekar kōm̄mane juon laajrak in kōttōpar eo eaitok kōn New Year eaar eņjake em̄man kōn eddōkļok eo an. Eaar ļōm̄ņak ippān make, “Ekwe, “Iaar dāpij kallimur eo aō n̄an m̄ōnā jidik, ijaņin kar illu, iaar dāpij joņan bajet eo aō, im iaar jab elotaan kōn kidu eo nejin ro rituru. Ak rainin ej Jānwōde 2 im aļļaam̄ eo ej kab kun im ej iien ruj jen ioon kineed. Ej iien n̄an bōk juon kabwilōnlōn n̄an ļōri kōttōpar ko aō.”

## Bar Jinoe

Ewōr jet kōjatdikdik ko rekbwilōnlōn kōn juon ijjino eo em̄man. Iaar kōtmene ilo juon tōre ak eo juon kōm̄ ar aolep kōņaan bar jinoe ilo ejjeļok bōd.

Iaar kōņan bōk juon kam̄putōr ekāal kōn juon hard drive eo erre. Eaar em̄man an jermal ilo tōre eo. Ak ilo an raan ko im wiik ko rej ellāļok im elōn im lōn būrookraam̄ ko kar kōdeļōni (kōn elōn wun im jet kōn ejjeļok

wun), āliktata kam̄putōr eo eaar jino jorrāan, im men kar m̄ōkaj kōjermal im jejet raar jino ar ralokļok. Jet iien ejjab jermal n̄an jidik. Meņe kar kajieon kar kōjo e ak eaar erom juon jermal āinwōt an hard drive eo jino jorrāan kōn data ko rejjab ekkar. Ewōr wōt iien ko ne jipaņ eo wōt ej n̄an jeorļok kobban im bar jino jen jino in.

Armej ro remaroņ jorrāan kōn mijak, pere, im eddodo kōn bōd. Bōd ko jaar kōm̄mani (Jimor ilo wun im ejjeļok wun) remaroņ kōmetak kōj m̄ae iien eo emaroņ in pen n̄an kōm̄mane ta eo jejeļā n̄an kōm̄mane.

Ilo jekjek eo an jerawiwi, ewōr juon jekjek in iaļen kōmanman eo eaiboojoj ņaetan ukwelok me ej kōm̄man bwe jen karreok lowaan hard drive eo ekōmetak buruwōd make. Kōn kojpeļ eo, Pinmuur eo ekabwilōnlōn im tiriam̄o eo an Jisōs Kraist ej kwaļok n̄an kōj wāween eo n̄an karreok jetōb ko ad jen m̄aar in jerawiwi im bar juon alen erom kāal, erre, im āinwōt juon ajri eo ejjeļok ruwōn.

Ak jet iien men ko jet rej karum̄wij kōj im likwōj kōj, kwaļok ļōm̄ņak ko rewaan im m̄akūtūt ko rej kapen ad jinoe.

## Kwaļok Em̄mantata eo ilo Kōj

Kwaļok kōttōpar ko ej juon kajieon eo erre. Jejeļā bwe Jemedwōj Ilaņ ewōr kōttōpar Ippān kōnke Eaar jiroņ kōj bwe jermal eo An im aiboojoj eo An ej n̄an

böktok mour jab wabanban im mour indeeo an armej (lale Moses 1:39).

Köttöpar ko ad make remaroñ böktok em̄mantata eo ilo koj. Ijoke, juon iaan men ko me rekabñōñōik kijejeto ko ilo ad kōmmani im dāpij köttöpar ko ej aipādpād. Jet iien jej aipādpād, köttar iien eo em̄man ñan jinoe—raan eo m̄oktata ilo juon iio ekāal, jinoin jōmar, ke jaar kūr āinwöt bisop ak büreejtōn ñan Doulul eo an Kōrā, ñe ajri ro rejino pād ilo jikuul, ālkin ad retire.

Kwoj jab aikuji juon kūr m̄okta jen am jino em̄akūt ļok ilo iaļen köttöpar ko am̄ rejim̄e. Kwoj jab aikuji in köttar mālīm ñan erom armej eo kwōj kōñaan erom. Kwoj jab aikuji in köttar ñan juon kūr ñan jermal ilo Kabuñ in.

Jet iien jemaroñ jerwaane iio ko ilo mour ko ad ñan köttar ñan kūr (lale D&C 121:34–36). Ak ej juon ļōmñak ebōd. Kwar kålet kadede!

Ilo töre ko ilo mour eo aō iaar jab kiki ilo boñ ļōmñak kōn men ko, inepata ko, ak būromōj ko aō make. Ak jekdōqon ewi joñan marok in boñōn eo, aolep iien ij peran kōn ļōmñak in: ilo jibboñ al eo enaaj tak.

Ilo kajjojo raan kāal, ej jerkan juon al kāal—ejjab wöt ñan laļ in ak ñan koj barāinwöt. Im ilo juon jerkan raan ekāal—juon oktak ej bar iijino.

### Ak Ta Eļañne Jej Likjab?

Jet iien men ko me rej likwōj koj ej mijak. Jemaroñ in mijak bwe jemaroñ jab tōprak, ak jenaaj tōprak, ak jemaroñ in jook, ak tōprak emaroñ ukōt koj, ak bwe emaroñ ukōt armej ro jej iakwe.

Im āidein ad köttar. Ak ebbwer.

Bar juon men jej aikuji in kememej ñe ej itok ñan karōk köttöpar ko ej eñin: Jemaroñ in naaj likjab—diktata ilo naan ekadu in. Ak ijelōkin ebbweer, jemaroñ in bōk kajoor kōnke meļeļein ekōmakūt abwilōñlōñ eo ñan wānōk kiiō. Ej kalikar jān jinoin bwe ilo juon töre ak eo juon, jemaroñ likjab. Jeļā menin jān jinoin ekōmakūt bwilōñ im ebbweer an likjab.

Ñe jej tōpar köttöpar ko ad ilo wāween in, likjab ejamin bōk jikin ilo koj. Kememej, meñe jej likjab ñan tōpar jemļok eo ad, mejān kajjik eo jekōñaan ilo iien eo

emōkajtata, jenaaj eddōkļok ilo iaļ in me ej tōl ļok ñan e.

Im jekjek kein—eļap meļeļeier.

Meñe jemaroñ in likjab jidik ilo jemļokin iaļ in ad, baj etal wöt ilo iaļ in enaaj kōmanman ļok koj jen kar m̄okta.

### Töre eo Em̄mantata ñan Ijino Ej Kiiō

Juon jabōn kōñnaan ej ba, “Töre eo em̄man tata ñan katōk juon wōjke ej 20 iio ko rem̄ootļok. Töre eo em̄mantata kein karuo ej kiiō.”

Ewōr men eaiboojoj im ekōjatdikdik kōn naan in *kiiō*. Ewōr jet men rekajoor kōn mool eo me eļañne jej kålet ñan kōmmane kiiō, jemaroñ em̄akūt maanļok ilo iien in.

*Kiiō* ej töre eo em̄mantata ñan ijino erom armej eo jaar lukkuun kōñaan—ejjab 20 iio jān kiiō ak barāinwöt ñan indeeo.

---

### KATAKIN JĀN ENNAAN IN

Büreejtōn Uchtdorf eaar kōmeļeļeik bwe ñe jej likjab ñan tōpar köttöpar ko ad, “jemaroñ bōk mālīm. . . . Meñe jemaroñ in likjab jidik ilo jemļokin iaļ in ad, baj etal wöt ilo iaļ in enaaj kōmanman ļok koj jen kar m̄okta. Kajjitōk ippān ro uwaan baamle eo ñan kwaļok eñjake ko me raar ekkatak jān jekjek in, āinwöt kadiwōjļok jān jikuul ak bōk juon nōbar.

## JODIKDIK RO

### Erom̄ Em̄mantata ilo Kwe Make—Jino Kiiō

**B**üreejtōn Uchtdorf ej kwaļok bwe “köttöpar ko an juon make remaroñ böktok em̄mantata eo ilo koj.” Ļōmñak in karōk jet köttöpar ko ilo ruo ak jilu eria ko ilo mour eo am̄, āinwöt mour ilo ānbwin, mour ilo jetōb, im jemjerā ko, ñan waanjoñak. Ta tōprak ko kwoj kōñaan būki ilo eria kein ilo iio in? Ilo am̄ kejokļokjen ilo jar kōn jet iaan köttöpar ko, lukkuun lale bwe ren tōprak ak renaaj jipañ eok eddōkļok. Ilo jōnōļ eo am̄, kōļajraki köttöpar ko am̄ ilo kōmeļeļe bwe kwon maroñ in lo am eddōkļok ñe iio eo ej ellāļok.



Tōmak, Baamle, Deor

# Mijen eo Ekwojarjar an Jisōs Kraist: Riwaanjoñak

*Jar im katak ennaan in im pukōt nān jeļā ta eo nān kwaļok. Ewi wāween meļeļe mour im mijen eo an Rilōmōor eo naaj kōļapļok tōmak eo aṃ ilo E im kōjeramṃan ro otemjeļ kwōj oṃaaki jen loļok ko an kōrā? Nān meļeļe ko reļļapļok, etal nān reliefsociety.lds.org.*

*Eñin ej juon mōttan an Naan in Katak ko an Kōrā ro ej pijaik wāween ko kōn mijen eo an Rilōmōor eo.*

Ilo ad meļeļe bwe Jisōs Kraist ej ad riwaanjoñak ilo aolep men, jemaroñ kōļapļok ad ikdelel nān loṃor E. Jeje ko Rekwojarjar rej obrak kōn naan in rōjañ nān kōj nān loṃor buñtōn ne ko neen Kraist. Nān Rinipai ro, Kraist eaar ba, “Bwe jeral ko kom ar lo Aō kōmṃan i kom naaj barāin-wōt kōmṃan i” (lale 3 Nipai 27:21). “Nā ial, im mool, im mour. Ejjeļok armej ej itok nān Jema, eļañne jab kōn Eō” (Jon 14:6).

Rainin ritōl ro ad rej kakememej kōj nān likūt Rilōmōor eo bwe en ad waanjoñak. Linda K. Burton, būreejtōn eo eutie an Doulul eo an Kōrā ro, eaar ba, “Ñe kōj kajjojo ewōr ippān katak eo an Pinmuur eo emōj je ilo tumwilaļ in būruwōn, innām jenaaj jino erom kain armej ro eo Irooj ekōṃaan bwe jān erom ñe ej bar itok.”<sup>1</sup>

Būreejtōn Thomas S. Monson eaar ba, “Ad Irooj im Rilōmōor, Jisōs

Kraist, ej ad Riwaanjoñak im ad kajoor.”<sup>2</sup>

Jen kalet nān kepaakļok Jisōs Kraist, nān pokake kien ko An, im kajieoñ jepļaakļok nān ippān Jemedwōj Ilañ.

## **Jān Jeje ko Rekwojarjar**

2 Nipai 31:16; Alma 17:11; 3 Nipai 27:27; Moronai 7:48

## **Jān Bwebwenato eo Ad**

“E eaar kalikar iaļ eo im kar tōl iaļ in,” Eliza R. eaar je Snow, būreejtōn eo kein karuo eutie an Doulul eo an Kōrā ro, mour in kwaļok eo an Jisōs Kraist ilo kanniōk.<sup>3</sup> E eaar kwaļok nān ro kajjojo—juon ilok juon. E eaar kwaļok bwe jej aikuj likūt ratimjuonñoul im ratimjuon nān loṃooren eo ejako (lale Luk 15:3–7). E eaar kemour im katakin ro kajjojo, aaet joļok iien ippān kajjojo armej ilo juon jarlepju in 2,500 armej ro (lale 3 Nipai 11:13–15; 17:25).

Kōrā ro Rekwojarjar ilo Raan-ko Āliktata, Būreejtōn Dieter F. Uchtdorf

Rikakpilōklōk eo Kein Karuo ilo Būreejtōnji eo Kein Kajjuon, eaar ba: “Komj sister ro rej leļok jeral eo eaiboojoj nān ro jet kōn un ko me reļļap jen ami kōṃaan kōn emṃan-ļok eo ami make. Ilo menin komj loṃor waanjoñak eo an Rilōmōor eo. . . . loṃnak ko An raar aolep iien oktakļok nān jipañ ro jet.”<sup>4</sup>

### **KAKEMEMEJ KO**

1. Linda K. Burton, “Tōmak ilo Pinmuur eo an Jisōs Kraist eaar ke Jeje ilo Būruwōd?” *Ensign* ak *Kweilok eo Eļap*, Okt.2012, 55.
2. Thomas S. Monson, “Meeting Life’s Challenges,” *Ensign*, Nov. 1993, 71.
3. “How Great the Wisdom and the Love,” *Al*, no.195.
4. Dieter F. Uchtdorf, “Happiness, Your Heritage,” *Ensign* or *Liahona*, Nov.2008, 120.

### **Ta Eo Imaroñ Kōmṃane?**

1. Etke im ekōjkan an Jisōs Kraist aō riwaanjoñak?
2. Ekōjkan kwaļok nān sister ro ij loļok jipañ eō loṃor Rilōmōor eo?